

# **JABATAN PERKHIDMATAN VETERINAR MALAYSIA**

## **LAPORAN LIPUTAN MEDIA**

| <b>Isnin, 7 Februari 2022</b> |                                                                                                                                                                                                    |
|-------------------------------|----------------------------------------------------------------------------------------------------------------------------------------------------------------------------------------------------|
| 1                             | -Peniaga tertekan, pengguna gelisah<br>-Ayam dan telur import tampung bekalan                                                                                                                      |
| 2                             | -Harga syiling ayam, Perak tidak ikot Selangor<br>-Bekalan telur ayam terhad selepas banjir                                                                                                        |
| 3                             | Jangan bergantung kepada satu pemborong                                                                                                                                                            |
| 4                             | Serangan lalat berakhir                                                                                                                                                                            |
| 5                             | -Pengguna lega, sambut baik<br>-Penjual ayam akur hanya yang ditetapkan kerajaan                                                                                                                   |
| 6                             | -Langkah import elak kurang bekalan<br>-Hanya pasar awam Melaka kurang ayam                                                                                                                        |
| 7                             | Semua naik, daging RM48 sekilogram                                                                                                                                                                 |
| 8                             | -‘Seminggu gagal beli ayam di Pasar’<br>-Jual semurah RM8.20 sekilo                                                                                                                                |
| 9                             | -Tiada had beli telur ayam<br>-Sekat manipulasi, orang tengah<br>-Harga ayam RM8.90 sekilogram<br>-Jangan bergantung hanya satu pembekal                                                           |
| 10                            | -Projek ternakan lembu tak perlu babitkan GLC<br>-Konsep NFC tidak bantu tambah pengeluaran<br>-Tindakan tegas jual ayam lebih hanya maksimum<br>-Peniaga beri pelbagai alasan gagal seragam harga |
| 11                            | Stern action for those who raise prices                                                                                                                                                            |
| 12                            | Stop depending on imports                                                                                                                                                                          |

DISEDIAKAN OLEH:

**SEKSYEN KOMUNIKASI KORPORAT  
JABATAN PERKHIDMATAN VETERINAR MALAYSIA**

# Peniaga tertekan, pengguna gelisah

Rakyat mengeluh hadapi kekurangan bekalan ayam mentah dan telur

Oleh NORAZWANI YUSOF, NURUL HIDAYAH HAMID, NOR FARHANA YAACOB dan ASY- IKIN ASMİN

SHAH ALAM

**I**su kekurangan bekalan telur ayam dan daging ayam mentah sejak minggu lalu mengundung kekusaran seluruh rakyat Malaysia.

Sejak Januari lalu juga, pelbagai reaksi diluahkan oleh pengguna khasnya peniaga makanan berasaskan telur dan ayam akibat kekurangan bekalan serta peningkatan harga di pasaran.

**DI MELAKA**, peniaga ayam di Pasar Awam Bachang di sini, mendakwa bekalan ayam mentah berkurangan sehingga tidak mampu menampung pembelian pengguna biarpun harga siling ayam turun kepada RM8.90 sekilogram.

Peniaga, Muhammad Akramin Syakirin Amin, 26, berkata, kebiasaannya dia menjual sehingga 300 ekor ayam pada hujung minggu, namun kali ini hanya 100 ekor ayam boleh dijual.

Menurutnya, lebih mengejutkan apabila kesemua bekalan ayam mentah telah habis dijual pada jam 9 pagi, Sabtu lalu.

"Biasa pada hari Sabtu dan Ahad pengguna-ramai datang



Mohd Fauzi memeriksa bekalan telur ayam yang baru diperolehi di Pasar Besar Alor Setar, Kedah pada Ahad.

membeli ayam.

"Namun kerana bekalan ayam yang kita dapat kurang berbanding jumlah sebelum ini, jadi pengguna terpaksa pulang dengan hampa," katanya.

Jamil Janel, 58, juga mengalami nasib sama apabila hanya dapat menjual organ dalaman ayam kepada pelanggan.

"Ayam yang ada terpaksa jual kepada peniaga makanan seperti nasi ayam, itu pun dia minta 40 ekor tapi saya dapat bagi 20 ekor sahaja," katanya.

Tinjauan di pasar raya termasuk Econsave Batu Berendam mendapati bekalan ayam masih ada, namun dihadkan untuk dua ekor bagi satu keluarga.

**DI KEDAH**, pengguna sekitar daerah Kota Setar mendakwa berdepan isu bekalan telur ayam sejak seminggu lalu.

Tinjauan di pasar raya dan



AKRAMIN

MD NAQUIB

kedai runcit mendapati bekalan telur ayam berkurangan dan kebanyakan rak hampir kosong.

Pengguna, Zaleha Abdul Manaf, 48, berkata, dia yang tinggal di Kuala Nerang dekat sini, sering membeli bekalan telur ayam untuk kegunaan keluarga setiap minggu.

Akuinya, stok bahan mentah itu di kebanyakan kedai habis dijual sejak minggu lalu.

"Setiap minggu, saya memang selalu beli telur ayam teta-



Jamil hanya dapat menyediakan ayam mentah untuk pelanggan.

pi sekarang ingin mendapatkan bekalan di kedai kampung pun tidak ada.

"Alhamdulillah, saya akhirnya dapat juga membeli sepagut telur selepas mencari di merata-rata kedai," katanya.

Sementara itu, Pengerusi Pasar Besar Alor Setar, Mohd Fauzi Sharip memberitahu bekalan telur ayam diterima berkurangan amat banyak berbanding sebelum ini.

Beliau yang juga peniaga runcit berkata, pembekal mengurangkan kira-kira 50 peratus bekalan telur kepada peniaga.

"Sebagai contohnya, saya akan mendapat kira-kira 100 papan telur ayam pelbagai gred daripada pembekal sebelum ini, bagaimanapun kini menerima lebih kurang 50 papan sahaja.

"Itu pun, kami menerima bekalan pada waktu tengah hari dan jika pengguna datang pada

waktu pagi memang telur tiada langsung," katanya.

**DI SABAH**, kekurangan bekalan telur ayam di Sipitang menyebabkan segelintir peniaga makanan terpaksa menaikkan harga telur yang dimasak sehingga RM2 sebiju.

Peniaga makanan, Md Naquib Noor Ahmad, 39, mendakwa, selain terpaksa membelinya dengan harga yang jauh lebih mahal berbanding harga biasa, ada juga di kalangan mereka terpaksa ke sempadan negeri iaitu di Sindumin bagi mendapatkan telur ayam berkenaan.

"Kekurangan bekalan telur ayam sejak Januari lalu lagi sehingga kami terpaksa masuk ke kedai runcit di ceruk kampung atau ke Sindumin semata-mata mahu mendapatkan telur.

"Harga pula jauh lebih mahal antara RM16 hingga RM18 setiap satu papan," katanya.

## Ayam dan telur import tampung bekalan

**KUANTAN** - Daging ayam dan telur import dari luar negara adalah alternatif yang akan dilaksanakan bagi menampung kekurangan bekalan itu.

Pengerusi Lembaga Pemasaran Pertanian Persekutuan (FAMA), Datuk Mohd Fasih Mohd Fakeh berkata, langkah itu hanya bersifat



Peniaga akui berdepan kekurangan harga ayam sejak minggu lalu.

sementara sehingga bekalan ayam dan telur dalam pasaran kembali stabil.

"Kerajaan memberi jaminan akan mengambil tindakan sewajarnya.

"Menteri Pertanian dan Industri Makanan, Datuk Seri Dr Ronald Kiandee telah keluar arahan mengimport bekalan ayam dan telur untuk tempoh tertentu dan apabila pengeluaran ayam dan telur sudah meningkat sudah pasti kita akan hentikan pengambilan bekalan import ini.

"Kita harap pengusaha tidak menaikkan harga sewenang-wenangnya dalam situasi kekurangan bekalan ini, sebaliknya ikutlah harga pasaran," katanya.

Beliau berkata demikian selepas mengadakan Walkabout dan mengedarkan plastik bio

mudah urai dalam kempen Pasar Tani lestari dan pintar di Pasar Tani Pusat Transformasi Bandar (UTC) di sini pada Ahad.

Minggu lalu, pada Mesyuarat Khas Majlis Tindakan Sara Hidup Negara (NACCOL) mengenai industri pengeluaran makanan, kerajaan bersetuju harga maksimum runcit bagi ayam standard ialah RM8.90, manakala harga telur ayam semua gred kekal seperti harga kawalan Skim Harga Maksimum Keluarga Malaysia (SHMKM).

Susulan itu, peniaga mendakwa bekalan barangan mentah itu semakin berkurangan dan mereka hanya memperoleh bekalan daripada pembekal serta pemborong dalam kuantiti sangat terhad.

Mohd Fasih berkata, faktor

cucua seperti banjir dan hujan sepanjang musim Monsun Timur Laut turut menjadi penyebab isu kekurangan bekalan makanan itu.

Jelasnya, perkara itu dimaklumkan Timbalan Menteri Perdagangan Dalam Negeri dan Hal Ehwal Pengguna (KPDNHEP), Datuk Rosol Wahid dalam satu pertemuan minggu lalu.

"Ia juga penyebab kepada bekalan tidak cukup dan kerajaan cuba atasinya," katanya.

Mengulas mengenai penetapan harga RM8.90 berkuat kuasa Sabtu, beliau menjelaskan kerajaan tidak mahu membebankan rakyat dengan kenaikan harga barangan selepas musibah banjir besar pada Disember tahun lalu.

## Harga siling ayam: Perak tidak ikut Selangor

**LENGGONG** - Kerajaan negeri Perak tidak berhasrat mengikut tindakan Selangor yang menetapkan harga siling runcit ayam standard RM8 sekilogram.

Menteri Besar Perak, Datuk Seri Saarani Mohamad berkata, pihaknya menyerahkan sepenuhnya kepada kerajaan Persekutuan dalam menentukan harga runcit bagi ayam standard di negeri itu.

Menurutnya, tiada jaminan rakyat menerima manfaat sekiranya inisiatif itu dilaksanakan seperti di Selangor.

“Perkara seperti itu perlu dibawa dalam mesyuarat Exco dan dibincangkan secara bersepadu dengan kerajaan Persekutuan.

“Jika harga ayam di Perak lebih murah daripada Pulau Pinang, siapa boleh beri jaminan hanya orang Perak yang beli? Maka berpusu-pusu orang Selangor menyeberangi Sungai Bernam untuk beli ayam,” katanya.

Beliau berkata demikian selepas merasmikan



Saarani menyampaikan hadiah utama cabutan bertuah kepada salah seorang peserta program Kayuhan Muhibah Kesatuan Kakitangan Kemas Semenanjung Malaysia Cawangan Perak di Dewan Serbaguna Taman Kota Tampan, Lenggong pada Ahad.

Kayuhan Muhibah Kesatuan Kakitangan Kemas Semenanjung Malaysia Cawangan Perak di Taman Kota Tampan di sini pada Ahad.

Menurutnya, meskipun pelaksanaan tersebut kelihatan lebih baik untuk rakyat di negeri masing-masing, namun tiada mekanisme menghalang penduduk luar datang membeli ayam sekiranya ia dijual murah di negeri ini.

“Kita berada di dunia tanpa sempadan, kita tiada mekanisme untuk meng-

halang orang negeri lain datang membeli barang murah di negeri kita.

“Kita tidak boleh buat di peringkat negeri semata-mata. Ia kena dibincangkan sekali dengan kerajaan Persekutuan,” katanya.

*Sinar Harian* pada Sabtu melaporkan kerajaan Selangor menerusi Perbadanan Kemajuan Pertanian Selangor (PKPS) menetapkan harga siling runcit ayam standard pada RM8 sekilogram sebagai usaha menangani lonjakan harga barang makanan.

## Bekalan telur ayam terhad selepas banjir

**TEMERLOH** - Selepas minyak peket, telur ayam antara barangan asas yang sukar diperolehi pengguna di daerah Temerloh di sini selepas banjir baru-baru ini.

Peniaga nasi lemak, Rismayanti Ismail, 49 mendakwa sukar mendapatkan bekalan telur di Mentakab di sini selepas banjir dan ada premis mengehadkan pembeliannya setiap seorang.

“Ada yang hadkan pembelian lima papan setiap seorang dan kalau terlambat, memang tak dapat, cepat habis.

“Adakalanya saya terpaksa mendapatkan telur di Temerloh, namun nasib tak baik tak dapat juga beli sebab tiada bekalan,” dakwanya.

Jelasnya, harga barangan asas itu yang semakin mahal juga membuatkan ramai peniaga terpaksa menanggung kerugian.

“Saya mungkin terpaksa naikan harga jualan memandangkan kenaikan harga barangan lain ter-

masuk telur,” katanya.

Seorang lagi peniaga makanan, Rugayah Abdul Salam, 52 mengakui kesukaran mendapatkan bekalan telur semakin ketara selepas banjir.

“Ada beberapa hari telur ayam tidak dijual di premis dan bila ada, cepat habis.

“Ada premis yang jual telur gred C sampai RM12.40 sepapan berbanding dulu, kira-kira RM8 sepapan,” dakwanya.

Dalam pada itu, seorang peniaga burger, Hakim Abu Kasim, 51 pula mengakui terpaksa menaikkan harga jualan burger antara 10 hingga 20 sen bermula 1 Februari lalu disebabkan situasi tersebut.

“Saya terpaksa naikan harga jualan kerana sudah tidak mampu menampung kenaikan harga pelbagai barangan lain dan telur.

“Bekalan telur pun kadang mudah dapat, kadang sukar dan ada sesetengah premis mengehadkan pembelian setiap seorang,” katanya.



**RISMAYANTI**



**RUGAYAH**



**HAKIM**



PENIAGA ayam di Pasar Awam Melaka mendakwa bekalan ayam diterima kurang 50 peratus semalam.

Bekalan ayam kurang bukan sebab harga turun

# Jangan bergantung kepada satu pemborong

Oleh DIYANATUL ATIQAH ZAKARYA

**MELAKA** – Kekurangan bekalan ayam segar di Pasar Awam Melaka bukan disebabkan penurunan harga RM8.90 sekilogram atau isu di peringkat penternak, sebaliknya sikap peniaga yang terlalu bergantung kepada satu pemborong.

Pengarah Kementerian Perdagangan Dalam Negeri dan Hal Ehwal Pengguna (KPDNHEP) Melaka, Norena Jaafar berkata, hasil siasatan yang dilakukan oleh penguat kuasa mendapati, kekurangan bekalan itu hanya berlaku di pasar awam berkenaan.

Ujarnya, situasi itu menggariskan rata-rata peniaga ayam di pasar tersebut tidak mempelbagaikan pemborong dan hanya

bergantung kepada satu pemborong sahaja.

"Penguat kuasa KPDNHEP telah pun membuat siasatan berhubung kekurangan ayam segar di pasar itu dan kita dapati kesemua peniaga mendapatkan bekalan daripada satu pemborong yang sama.

"Pasar awam dan pasar raya di tempat lain bagaimanapun tidak mengalami kekurangan bekalan ayam," katanya ketika dihubungi pemberita di sini semalam.

Tambah Norena, pihaknya telah melakukan pemeriksaan di lebih 50 lokasi di pasar, pasar tani dan pasar raya seluruh negeri.

"Kita juga dapati semua peniaga ayam patuh dengan harga standard baharu yang ditetapkan iaitu RM8.90 sekilogram," ujarnya.

Semalam, peniaga ayam segar di Pasar Awam Melaka di sini dilaporkan terpaksa menyorokkan barang jualan di bawah meja bagi mengehendkan pembelian, susulan jumlah bekalan didakwa susut sehingga 50 peratus.

Seorang pemborong, Ke Jok Kwee, 60, berkata, dia terpaksa mencatu bekalan ayam yang dipasarkan kepada peniaga di situ susulan bekalan diterima daripada pembekal di Serkam berkurangan kira-kira 35 peratus.

Ujarnya, pembekal beri alasan bekalan ayam kurang kerana kos penternakan semakin meningkat.

Ujarnya, ia dipercayai berpunca keputusan kerajaan menurunkan harga daripada RM9.50 sehingga kini RM8.90 sekilogram.



ISMAIL ZAINAL, 63, antara 300 penduduk yang gembira apabila tiada lagi gangguan lalat terutama ketika makan dan minum di rumahnya di Kampung Lembah Jaya, Bentong semalam.

## Selepas hampir dua bulan ladang ayam ditutup Serangan lalat berakhir

Oleh ABDUL RASHID  
ABDUL RAHMAN

**BENTONG** – Selepas hampir dua bulan ladang ternakan ayam di Kampung Lembah Jaya di sini ditutup, suasana di kampung berkenaan yang dahulunya dipenuhi lalat telah kembali normal seperti dua tahun sebelum ini.

Berdasarkan tinjauan *Kosmo!* semalam, tiada lagi jumlah lalat yang luar biasa di kampung itu dan penduduk dapat hidup selesa tanpa 'dihurung' lalat.

Seorang penduduk, Atan Zainal, 61, berkata, selepas sahaja ladang ternakan ayam yang terletak kira-kira 200 meter dari rumah penduduk itu ditutup, lalat telah beransur-ansur hilang.

"Alhamdulillah kami mengucapkan terima kasih kepada *Kosmo!* yang melaporkan isu ini yang telah berlarutan selama dua tahun dan akhirnya masalah telah dapat diselesaikan.



KERATAN *Kosmo!* 10 Disember 2021.

"Kalau ada lalat pun hanya seekor dua dan kami berharap keadaan ini berkekalan," katanya ketika ditemui semalam.

Rainah Tun, 68, pula berkata, dia dan penduduk kini dapat kembali merasai nikmat kehidupan di kampung apabila serangan lalat luar biasa telah berakhir.

"Sekarang kami amat bersyukur kerana dapat tidur dengan lena, makan dengan selesa serta kenduri dapat dilakukan selepas serangan lalat sudah berakhir.

"Kami tak peduli kalau ladang ternakan ayam dibuka semula, tetapi ia mesti dipastikan jaga ke-

bersihan dan tiada lalat," ujarnya.

Pada 11 Disember tahun lalu, *Kosmo!* melaporkan nikmat ketenangan tinggal di kampung kini tidak lagi dirasai oleh kira-kira 300 penduduk di Kampung Lembah Jaya gara-gara serangan lalat sejak dua tahun lalu.

Akibat serangan serangga itu, kira-kira 60 buah rumah di kampung yang terletak di Simpang Pelangai itu terpaksa ditutup 24 jam, sekali gus menjadi seperti sebuah perkampungan kosong.

Susulan itu, sebuah ladang ternakan ayam di kampung terbabit diarah dikosongkan serta-merta dan hanya akan dibenarkan beroperasi semula selepas tiada lagi isu lalat dilaporkan.

Ketua Pengarah Veterinar, Datuk Dr. Norlizan Mohd. Noor dilaporkan berkata, pihak Jabatan Veterinar akan membuat pemantauan dan penilaian setiap minggu sebelum ladang berkenaan dibenarkan beroperasi kembali.

Harga siling runcit ayam RM8.90 bukti kerajaan prihatin masalah rakyat

## Pengguna lega, sambut baik

Oleh **HAKIMI ISMAIL**  
hakimi.ismail@medianua.com.my

**PETALING JAYA:** Langkah kerajaan memperkenalkan subsidi harga ayam memberi khabar gembira kepada rakyat negara ini ketika rata-rata masih ramai mengeluh mengenai kenaikan kos sara hidup.

Penetapan harga baharu runcit ayam pada harga RM8.90 sekilogram yang diputuskan Mesyuarat Khas Majlis Tindakan Sara Hidup Negara (NACCOL) bermula kelmarin disambut baik masyarakat.

Tinjauan *Utusan Malaysia* di Pasar Chow Kit semalam mendapati, kebanyakan peniaga menjual ayam pada harga RM8.90 sekilogram sebagaimana harga maksimum runcit bagi ayam standard yang disarankan oleh pihak berkuasa.

Walaupun langkah kerajaan mengumumkan harga maksimum bagi ayam standard dikurangkan 20 sen itu tidak banyak, ia sudah mampu mengukir senyum di bibir pengguna yang ditemui *Utusan Malaysia*.

Rata-rata pengguna mengucapkan terima kasih kepada kerajaan kerana prihatin dengan nasib rakyat ketika ini yang berdepan pelbagai kenaikan.

Menurut Mohd Arif Khan Sumitro, 36, langkah yang diambil kerajaan itu memang ditunggu-tunggu oleh pengguna ketika ini memandangkan harga ayam melambung tinggi sejak akhir-akhir ini.



**LANGKAH** peniaga meletakkan tanda harga di gerai meyakinkan pelanggan bahawa peniaga mematuhi harga maksimum ayam yang ditetapkan oleh kerajaan. - UTUSAN/MUHAMAD IQBAL ROSLI

Katanya, walaupun harga yang ditetapkan hanya berkurangan 20 sen iaitu menjadi RM8.90 sekilogram ketika ini, ia tetap membantu pengguna terutamanya bagi yang membeli dalam kuantiti yang banyak.

"Bagi saya langkah ini dapat mengembirakan rakyat dan sekurang-kurangnya ada penurunan berbanding harga lebih RM9 sebelum ini. Jika boleh, saya cadangkan kerajaan dapat mengawal lagi harga untuk bantu rakyat."

"Saya beli ayam ini seminggu

sekali, memang harga melambung tinggi sebelum ini. Penjual ada maklumkan harga naik sebab kos di ladang, kita sebagai sememangnya mengeluh, jadi sekarang boleh senyum sedikit."

"Setiap kali beli ayam, saya akan ambil dua hingga ke tiga ekor untuk bekalan seminggu, jadi apabila turun 20 sen itu agak banyak juga penjimatan yang saya dapat. Jadi, saya ucapkan terima kasih kepada kerajaan," katanya ketika ditemui semalam.

Media sebelum ini melaporkan, harga maksimum runcit bagi

ayam standard dikurangkan 20 sen daripada harga siling yang ditetapkan iaitu RM9.10 kepada RM8.90.

Harga runcit RM8.90 ini merupakan penurunan kali ketiga selepas ditetapkan pada RM9.50 semasa Perayaan Deepavali, RM9.30 ketika Skim Harga Maksimum Keluarga Malaysia (SHMKM) dari 7 hingga 31 Disember tahun lalu dan RM9.10 semasa SHMKM dari 1 Januari hingga 4 Februari lalu.

Kerajaan menetapkan harga siling runcit ayam itu

berkuat kuasa kelmarin setelah berakhirnya SHMKM sehari sebelumnya dan harga ini kekal sehingga 5 Jun depan iaitu selama 121 hari bagi menjamin kestabilan harga ayam dan juga harga makanan lain yang berkaitan.

Seorang lagi pengguna, Wahab Hamdan, 39, berkata, harga ayam yang ditetapkan RM8.90 sekilogram bermula kelmarin itu lebih baik jika dibandingkan dengan harga-harga yang tidak stabil sebelum ini.

"Sebelum ini, tengok harga ayam pun 'takut' sebab sangat tinggi, sekarang RM8.90 sekarang boleh dikatakan stabil dan saya harap akan turun lagi seperti mana harga-harga yang rendah dahulu," katanya.

Sementara itu, Musrifah Mustar, 29, mengucapkan terima kasih kepada kerajaan dan berharap harga ayam dapat dikekalkan ataupun lebih rendah lagi selepas tamat tempoh penetapan pada Jun nanti.

"Kalau boleh turun sedikit lagi saya rasa lagi baik, tetapi saya tetap bersyukur dengan harga yang ditetapkan sekarang. Langkah ini sangat membantu pengguna untuk membeli barangan yang diingini."

"Saya juga berharap kerajaan dapat mengawal harga barang-barang lain yang ketika ini boleh dikatakan naik mendadak. Ada juga barangan naik harga sehingga tidak masuk akal sehingga membebakan pengguna," katanya.

## Penjual ayam akur harga yang ditetapkan kerajaan

**PETALING JAYA:** Harga ayam tetap dijual RM8.90 sekilogram, walaupun masih berlaku masalah kekurangan bekalan di beberapa tempat.

Tinjauan *Utusan Malaysia* di Pasar Chow Kit mendapati, kebanyakan peniaga menjual ayam pada harga maksimum runcit bagi ayam standard yang disarankan oleh kerajaan.

Seorang peniaga yang ingin dikenali sebagai Hussin berkata, walaupun pembekal masih tidak menurunkan harga, dia tetap menjual pada harga RM8.90 sekilogram sejak kelmarin.

Ketika ini katanya, para peniaga berdepan masalah dengan kekurangan bekalan ayam



**HUSSIN**

dan pembekal juga tidak dapat menyediakan ayam mengikut tempahan.

"Sejak kelmarin, saya jual pada harga RM8.90 sekilogram. Buat



**SAZALI ABD LATIF**

masa ini, pembekal masih tidak turunkan harga. Mahu atau tidak, kita perlu akur dan jual pada harga yang ditetapkan."

"Untung sedikit sahaja jika,

tidak banyak. Tetapi masalahnya, kita kekurangan bekalan ayam dan saya berharap perkara ini tidak akan berpanjangan," katanya ketika ditemui semalam.

Media sebelum ini melaporkan, harga maksimum runcit bagi ayam standard dikurangkan 20 sen daripada harga siling yang ditetapkan kepada RM8.90 berbanding RM9.10 sebelum ini Perdana Menteri, Datuk Seri Ismail Sabri Yaakob dilaporkan berkata, pelaksanaan harga maksimum ayam itu bermula kelmarin sehingga 5 Jun 2022.

Sementara itu, seorang lagi penjual, Sazali Abd. Latif berkata, walaupun memperoleh keuntungan sedikit, dia tidak mahu

mempersoalkan perkara itu demi menjaga pelanggan.

"Jika harganya begitu saya ikutkan sahaja demi para pelanggan, kita sebagai penjual sebenarnya tidak menerima keuntungan yang banyak kerana pembekal masih berikan harga sama."

"Saya lihat pelanggan juga bertambah apabila harga turun, maknanya pembeli sudah kembali ramai seperti sebelum ini dan situasi itu turut mengembirakan kami sebagai penjual."

"Saya juga berharap, kerajaan dapat memantau harga di peringkat pembekal kerana kadang-kadang terlampau tinggi dan dalam hal ini, kita sebagai penjual menjadi mangsa," katanya.

# Langkah import elak kurang bekalan

Oleh DIANA SURYA ABD WAHAB  
utusannews@mediamula.com.my

**KUANTAN:** Kerajaan bertindak proaktif dengan membenarkan pengimportan daging ayam dan telur dari luar negara bagi menampung kekurangan bekalan tersebut di negara ini.

Pengerusi Lembaga Pemasaran Pertanian Persekutuan (FAMA), Datuk Mohd. Fasih Mohd. Fakeh berkata, langkah alternatif itu dilaksanakan sementara bekalan ayam dan telur yang diperlukan dalam negara

kembali stabil.

Menurutnya, kerajaan memberi jaminan mengambil tindakan sewajarnya dalam usaha menyelesaikan masalah tersebut.

"Menteri Pertanian dan Industri Makanan, Datuk Seri Dr. Ronald Khande telah mengeluarkan arahan mengimport bekalan ayam dan telur untuk tempoh tertentu. Apabila pengeluaran ayam dan telur sudah meningkat sudah pasti kita hentikan pengambilan import ini.

"Jadi, kita harap pengu-

saha tidak menaikkan harga sewenangnya dalam situasi kekurangan bekalan ini, sebaliknya mengikut harga pasaran yang ditetapkan," katanya kepada pemberita selepas mengadakan tinjauan mesra dan mengedarkan plastik bio dalam kempen Pasar Tani Lestari dan Pintar di Pasar Tani Mega di hadapan Pusat Transformasi Bandar (UTC), di sini, semalam.

Mengulas lanjut, Mohd. Fasih berkata, faktor cuaca dan bencana antara punca kepada masalah kekurangan bekalan

ayam dan telur.

"Cuaca tidak menentu dengan hujan sepanjang musim Monsun Timur Laut dan bencana banjir menyaksikan pengusaha tempatan berdepan masalah untuk membekalkan ayam dan telur di pasaran.

"Dengan ada bekalan ayam (import) dan kerajaan pun sudah tetapkan (harga ayam) RM8.90 sekilogram, berkuat kuasa semalam jadi ia (harga) sudah berpatutan dan tidak membebankan rakyat malah pengusaha pun masih memper-

oleh keuntungan," katanya.

Sebelum ini, Ronald dilaporkan berkata, kerajaan memberi kelulusan kepada 32 syarikat bagi mengimport ayam bulat sejuk beku dari tiga negara bagi mengatasi masalah kekurangan bekalan dan kenaikan harga ayam mentah dihadapi rakyat.

Bagaimanapun, beliau menjelaskan pengimportan ayam dari Thailand, China dan Brazil itu akan dihentikan sebaik sahaja bekalan ayam di negara ini pulih.



KPDNHEP Melaka melakukan pemeriksaan di lebih 50 lokasi melibatkan pasar, pasar tani dan pasar raya di seluruh negeri itu dan mendapati bekalan mencukupi. - UTUSAN/RASUL AZLI SAMAD

## Hanya Pasar Awam Melaka kurang ayam

**MELAKA:** Kekurangan bekalan ayam segar di Pasar Awam Melaka di sini, bukan disebabkan penurunan harga RM8.90 sekilogram atau isu di peringkat penternak, sebaliknya sikap peniaga yang terlalu bergantung kepada satu pemborong.

Pengarah Perdagangan Dalam Negeri dan Hal Ehwal Pengguna Melaka, Norena Jaafar berkata, hasil siasatan penguat kuasa mendapati, kekurangan bekalan itu hanya berlaku di pasar awam berkenaan.

Katanya, situasi itu menggambarkan rata-rata peniaga ayam di pasar tersebut tidak mempelbagaikan pemborong dan bergantung kepada satu pemborong sahaja.

"Penguat kuasa kementerian telah membuat siasatan berhubung kekurangan ayam segar di pasar itu dan kita dapati

kesemua peniaga mendapatkan bekalan daripada satu pemborong yang sama.

"Pasar awam dan pasar raya di tempat lain bagaimanapun tidak mengalami kekurangan bekalan ayam," katanya ketika dihubungi *Utusan Malaysia*.

Menurut Norena, pihaknya melakukan pemeriksaan di lebih 50 lokasi melibatkan pasar, pasar tani dan pasar raya seluruh negeri.

"Kita juga dapati semua peniaga ayam patuh dengan harga standard baharu yang ditetapkan iaitu RM8.90 sekilogram," katanya.

Terdahulu, *Utusan Malaysia* melaporkan, peniaga ayam segar di Pasar Awam Melaka terpaksa menyorokkan barang jualan di bawah meja bagi mengelakkan pembelian, susulan jumlah bekalan didakwa susut sehingga 50 peratus.

# Semua naik, daging RM48 sekilogram?

## KOMENTAR

Oleh YULPISMAN ASLI  
yulpisman.asli@mediamula.com.my

**PERBUALAN PERTAMA:** "Berapa lama da... Dekat paper (akhbar) kata dah dapat."

Perbualan kedua: "Semua naik."

Itu perbualan dua pengunjung pasar pagi Jumaat di Meru, Klang yang sempat didengar oleh penulis.

Setiap pagi Jumaat, pasar berkenaan dipenuhi oleh penduduk setempat dan dari kawasan berhampiran serta pekerja asing untuk mendapatkan pelbagai barangan harian seperti ikan, sayuran, daging, ayam, pakaian dan makanan.

Berdasarkan pengamatan, perbualan pertama pastinya merujuk kepada bantuan banjir yang dijanjikan oleh Kerajaan Pusat dan Kerajaan Negeri Selangor kepada mangsa-mangsa banjir Disember lalu untuk menunggang beban mereka.

Namun, rungutan pengunjung terbahit bukanlah mengejutkan kerana sebelum ini, ada jiran penulis memberitahu perkara sama. Padahal penduduk Meru antara yang terjejas dalam musibah berkenaan yang mengakibatkan kerugian kira-kira RM6.1 bilion di seluruh negara, menurut Jabatan Perangkaan.

Selangor merupakan negeri paling terjejas dalam bencana terbahit. Bagaimana ada penduduk yang belum dapat bantuan dijanjikan. Hanya Kerajaan Pusat dan kerajaan negeri yang ada jawapan. Yang pasti, rakyat menanti bantuan dijanjikan ditunaikan.

Perbualan kedua pula lebih menarik penulis yang turut membeli barangan keperluan di pasar pagi itu. Benarlah apa yang dirungutkan mereka. Memang semua nak. Naik harga!

Bermula dari makanan seperti cakai naik 10 sen seketul, roti bom juga naik 10 sen sekeping. Kenaikan kecil bagi sesetengah pihak, namun kesannya tetap besar bagi pembeli terutama yang berkeluarga besar.

Kenaikan lebih dirasakan apabila membeli ikan. Ikan kembung dijual RM24 sekilogram, sardin (RM15), selar kuning saiz



**KERAJAAN** melaksanakan kawalan harga ayam RM8.90 sekilogram bermula 5 Februari selepas berlaku kenaikan harga tidak terkawal hingga membebaskan pengguna. - GAMBAR HIASAN



**IKAN** kembung dijual RM24 sekilogram di pasar pagi Jumaat, Meru, Klang.



**HARGA** daging tempatan akan terus meningkat menjelang Hari Raya Aidilfitri dan Aidiladha. - GAMBAR HIASAN

sedehana (RM16) dan tuna (adik beradik ikan tongkol) (RM16). Ikan-ikan ini selalunya dianggap untuk golongan marhaen, dimakan dan untuk berniaga seperti laksa dan lain-lain. Ikan tenggiri pula RM38 sekilogram, pari (RM34) dan ketam (RM40).

Penulis sempat bertanyakan ayam, yang dijual RM9.50 sekilogram kerana harga siling hanya berkuat kuasa bermula 5 Februari.

Harga daging pula lebih mengejutkan. Daging batang pinang dijual pada harga RM48 sekilogram dan daging pejal RM45 sekilogram.

Agak-agak harganya boleh mencecah berapa RM menjelang Hari Raya Aidilfitri nanti dan sebelum kerajaan bertindak memperkenalkan skim harga kawalan (jika ada)?

Selalunya kerajaan dilihat lambat bertindak dalam bab ini. Bukti, aduan, harga melambung tinggi baharulah harga kawalan ayam dibuat. Itupun turun 20 sen sahaja dan masih tinggi bagi sekelompok rakyat.

Janganlah pula ada pemimpin menyarankan agar rakyat menukar menu dek kerana har-

ga barangan naik.

Apa yang kerajaan perlu lakukan? Kawalan harga hanya bersifat sementara dan bermusim terutama menjelang hari-hari perayaan. Mengimport makanan pula, bukan penyelesaian jangka panjang dan terbaik untuk negara. Ia akan hanya menambah beban kewangan kerajaan, terutama ketika nilai ringgit lebih rendah berbanding dolar. Kadar tukaran ringgit berbanding dolar Amerika Syarikat (AS) pada hujung minggu lalu ialah RM4.1825/4.1835.

Pada pendapat penulis, so-

lusi jangka panjang ialah kerajaan perlu memperkasa sektor pertanian negara. Ini kerana, makanan adalah keselamatan. Krisis makanan boleh mengundang bencana.

Belajarlal daripada Covid-19 yang mengakibatkan sempadan tidak dibuka dan sektor-sektor perniagaan terjejas. Yang dibenarkan beroperasi, hanya sektor utama dan perlu iaitu kesihatan dan berkaitan makanan.

Kini, sempadan dibuka dan dunia pula mula bergolak dengan krisis di Eropah Timur dan Asia Barat. Krisis akan menyebabkan perdagangan antara negara boleh terganggu. Jangkitan pandemik juga kembali meningkat. Pelbagai kemungkinan boleh berlaku dan tiada siapa boleh meramalkan.

Malaysia mengimport produk makanan berjumlah RM55.5 bilion pada 2020 dan berjumlah RM482.8 bilion dalam tempoh 10 tahun berbanding eksport sebanyak RM33.8 bilion dan RM296 bilion. Jumlah itu akan terus meningkat dan defisit bakal melebar.

Bagaimana jika barangan makanan yang diperlukan Malaysia tidak ada negara yang mahu membekalkannya? Di mana kita hendak mendapatkannya? Sedangkan lebih 32 juta perut perlu diisi.

Sebab itu, sektor pertanian khususnya berkaitan makanan (bukan komoditi) perlu diperkasa. Komoditi, Malaysia sudah berjaya menjadi antara negara pengekspor utama. Namun, makanan untuk rakyat terbanyak masih banyak yang kurang. Serba serbi hendak diimport.

Benar boleh import selagi kita ada duit dan ada negara hendak membekalkannya. Namun, bukankah lebih bijak jika kita boleh hasilkan sendiri untuk kendiri masa hadapan.

Sementelah, kenaikan harga barang meningkatkan kos hidup rakyat dan mereka terjejas akan mencari kerajaan untuk bantuan. Demi survival politik, kerajaan akan hulurkan pelbagai bantuan, namun impaknya tidak dirasakan. Kenapa, sebab bantuan tidak mampu menampung kenaikan-kenaikan yang berlaku.

Akhirnya, rakyat tetap menyalahkan kerajaan. Jadi, bertindaklah selagi peluang masih ada dan keadaan belum menjadi lebih parah.



PENIAGA ayam segar di pasar basah utama di Pandan, Johor Bahru, semalam. - Gambar NSTP/NUR AISYAH MAZALAN

# 'Seminggu gagal beli ayam di pasar'

*Pengguna luah kecewa hadapi isu kekurangan stok ayam segar*

Oleh Mohamed Farid Noh  
am@hmetro.com.my

**Johor Bahru**

**P**engguna di bandar raya ini semakin resah apabila gagal mendapatkan ayam segar di beberapa pasar utama di sini kerana kekurangan bekalan dan permintaan yang tinggi sejak sambutan Tahun Baru Cina, baru-baru ini.

Tinjauan di pasar basah utama di Pandan di sini, mendapati kebanyakan lot niaga menjual ayam segar habis dijual sebelum jam 12 tengah hari kerana kehabisan

stok menyebabkan pengguna kecewa.

Seorang pengguna, Yan Mohammad, 50, berkata, dia gagal membeli ayam segar sejak seminggu lalu berikutan bahan mentah sudah kehabisan di pasaran sebaik beliau ke pasar.

"Sejak seminggu lalu saya dapati banyak gerai menjual ayam kehabisan stok sebelum jam 12 tengah hari.

"Saya kecewa kerana perkara seperti ini tidak pernah berlaku menyebabkan terpaksa membeli daging dan ikan yang lebih mahal," katanya ketika ditemui, semalam.

Sementara itu, peniaga

ayam, Hafizul Mohamad, 40, berkata, bekalan ayam terhad diterima daripada pembekal sejak selepas sambutan Tahun Baru Cina, menyebabkan stok bahan mentah itu tidak mencukupi.

Katanya, sebelum ini beliau yang mempunyai tiga lot niaga ayam, menerima 1,200 ekor ayam segar setiap hari, namun kini hanya menerima antara 250 hingga 600 ekor ayam sehari.

"Ayam segar memang sangat tidak cukup di pasaran. Sejak seminggu lalu memang stok ayam segar akan habis sebelum jam 12 tengah hari.

"Kami penjual pun ser-

ba-salah apabila pengguna berebut-rebut mendapatkan ayam segar apatah lagi ramai pembeli yang meluahkan kekecewaan mereka berikutan ketiadaan stok ayam.

"Berikutan kekurangan bekalan ayam yang serius ini, kami turut tidak dapat membekalkan stok ayam segar kepada pelanggan yang membeli secara pajakan terutama peniaga restoran dan catering.

"Jika sebelum ini mereka menempah 50 ekor ayam segar sehari, kami hanya dapat bekalkan antara 20 hingga 30 ekor ayam sahaja," katanya.

# Jual semurah RM8.20 sekilo

**Alor Setar:** Pengguna masih boleh mendapatkan ayam pada harga serendah RM8.20 sekilogram di Pasar Besar Alor Setar di sini, berbanding harga siling RM8.90 yang ditetapkan mulai kelmarin.

Peniaga, Mohd Zahir Zainal Abidin, 68, berkata, dia dapat menjual ayam pada harga lebih rendah berikutan mendapat bekalan pada harga yang murah daripada peladang.

Katanya, dia juga tidak menaikkan harga pada kadar siling kerana tidak mahu membebankan orang ramai terutama golongan berpendapatan rendah.

"Saya mendapat bekalan ayam daripada empat pembekal dan salah seorangnya adalah anak angkat saya. Harga yang mereka beri memang rendah dan saya juga dapat jual pada harga yang murah, namun keuntungan saya juga tidak tinggi iaitu hanya 60 sen setiap satu kilogram.

"Walaupun saya tahu ada peniaga di sini kurang senang dengan harga yang saya jual, tetapi saya tetap teruskan kerana mahu meringankan beban pelanggan," katanya ketika ditemui semalam.

Mohd Zahir yang sudah 51 tahun berniaga ayam berkata, dia turut menjual ayam secara borong kepada pelanggan seperti peniaga kecil serta membekalkan ayam kepada sekolah dan asrama.

"Alhamdulillah setiap hari saya dapat jual kira-kira 2,200 ayam kepada pelanggan di pasar selain ada juga yang diambil peniaga lain bagi dijual semula di kampung.

"Saya menggunakan konsep sama-sama berkongsi rezeki. Bagi saya semua perniagaan ada keuntungannya, cuma beza untung banyak atau sedikit," katanya yang sudah 36 tahun berniaga di Pasar Besar Alor Setar.



TINJAUAN penjualan ayam segar di Pasar Besar Alor Setar, semalam. - Gambar NSTP/LUQMAN HAKIM ZUBIR

Peniaga  
runcit dakwa  
mempunyai  
bekalan  
mencukupi

Oleh Hassan Omar  
am@hmetro.com.my

Msjid Tanah

**P**eniaga runcit di sini mendakwa tidak mengehadkan jualan telur, sebaliknya hanya membuat demikian untuk minyak masak bersubsidi.

Minyak masak itu dihadkan dua pekuk untuk seorang pengguna manakala tiga ke empat pekuk bagi peniaga makanan.

Seorang peniaga, Othman Hassan, 64, berkata, dia tidak bercadang mengehadkan penjualan telur kerana mempunyai bekalan mencukupi.

## Tiada had beli telur ayam

kupi dan tiada masalah mendapatkannya daripada pembekal atau pemborong. "Kebanyakan pelanggan tindakan mengehadkan jualan minyak masak bersubsidi, untuk pastikan semua pihak memperolehnya," katanya ketika ditemui di kedainya di Kampung Balik Batu, Tanjung Bidara di sini, semalam.


Peniaga di Sungai Udang, Abdullah Abdul Rahman, 68, turut mengakui keadaan sama yang tidak memerlukan mengehadkan jualan telur ketika ini dilapor mengalami gangguan bekalan.

"Alhamdulillah, setakat ini bekalan telur sentiasa ada tetapi bekalan minyak masak berkurangan sejak sebelum Tahun Baharu Cina," katanya.

Bagi pelanggan, Kamarian

Abdul Samad, 46, berkata, beliau terpaksa berpuas hati dengan hanya dua pekuk minyak masak bersubsidi yang diperoleh di kebanyakan kedai runcit di Sungai Udang. "Kekurangan minyak masak bersubsidi sudah berlaku sejak sebelum Tahun Baharu Cina lagi tetapi Alhamdulillah, saya masih mampu mendapatkannya dari pasar raya atau kedai runcit," katanya.

Kelmarin, Pengarah Penguat Kuasa Kementerian Perdagangan Dalam Negeri dan Hal Ehwal Pengguna (KPDNHEP) Azman Adam dilapor mengarahkan peniaga runcit melaksanakan 'pembelian terhad' terhadap jualan telur di premis masing-masing jika perlu bagi mengawal pembelian panik dalam kalangan pengguna.



PENIAGA runcit di Masjid Tanah mendakwa mempunyai bekalan telur yang mencukupi.



ANTARA penjual ayam di Pasar Gunung Rapat. Gambar NSTP/BALQIS JAZWATI ZUMARI

**HARGA AYAM RM8.90 SEKILOGRAM**

**Dapat jual lebih banyak kepada pelanggan**

**Ipoh:** Kebanyakan penjual ayam di bandar raya ini bersejua dengan keputusan dan tindakan kerajaan menetapkan harga maksimum runcit bagi ayam standard RM8.90 sekiogram.

Penjual ayam di Pasar Gunung Rapat, Mohd Salleh Mohd Nor, 66, berkata, pengurangan harga ayam itu memberi kemudahan kepadanya menjual lebih banyak ayam kepada pelanggan.

"Memang lagi baguslah harga turun lebih murah daripada harga yang ditetapkan sebelum ini."

"Kalau boleh turun hingga RM7.50 sekiogram itu lagi



**Kalau boleh turun hingga RM7.50 sekiogram itu lagi baik, lagi senang kita hendak menjual"**

Mohd Salleh Mohd Nor

baik, lagi senang kita hendak menjual," katanya ketika ditemui di pasar berkenaan di sini, semalam.

Mohd Salleh berkata, dia sedia maklum dengan penetapan harga baharu itu

dan baru sahaja mendapat pekiling berkenaan perkara itu.

"Dalam keadaan hari ini, pelanggan sebenarnya sudah tidak kisah dengan harga naik atau turun paling penting mereka dapat nak makan ayam," katanya.

Beberapa penjual ayam di pasar sama mengakui mereka juga sedia maklum dengan pengumuman perubahan harga itu.

Sementara itu, peniaga kedai runcit di dalam pasar berkenaan yang hanya mahu dikenali sebagai Tan, 50, berkata, kedainya kehabisan bekalan telur ayam biasa

dan kini hanya menjual telur ayam kampung.

Katanya, dia juga sehingga kini masih belum mendapat pekiling berkenaan penetapan harga baharu.

Sebelum ini media melaporkan, langkah intervensi kerajaan menetapkan harga runcit bagi ayam standard pada RM8.90 berkuat kuasa hari ini hingga 5 Jun dapat menjamin kestabilan harga ayam dan harga makanan berkaitan.

Harga telur ayam semua gred pula kekal seperti harga kawalan Skim Harga Maksimum Keluarga Malaysia (SHMKM) semasa.

## Sekat manipulasi, kegiatan orang tengah

**Seremban:** Pihak berkuasa perlu menyekat kegiatan dan manipulasi 'orang tengah' dalam usaha menstabilkan bekalan dan harga ayam mentah di negara ini.

Pengerusi Persatuan Peniaga dan Pengusaha Kecil Negeri Sembilan (PPPKNS) Cawangan Seremban, Mohamad Yusoff berkata, pihaknya merasakan terdapat kegiatan 'orang tengah' memberikan kesan kepada bekalan dan harga ayam dan telur ayam.

"Kami yakin walaupun pelbagai usaha dilakukan kerajaan bagi mengurang-

kan kenaikan harga ayam dan telur ayam, faktor 'orang tengah' diyakini mempengaruhi rantai produk makanan itu.

"Kegiatan mereka ini perlu dipantau dan disekat kerana mempengaruhi bekalan dan harga ayam termasuk telur ayam di pasaran ketika ini."

"Ini dapat dilihat isu bekalan dan harga ayam bukan perkara baharu, sebaliknya sudah berulang kali berlaku hingga mengundang masalah kepada ramai pengguna termasuk peniaga kecil," katanya ketika ditemui, semalam.

## Jangan bergantung hanya satu pembekal

**Melaka:** Sikap peniaga bergantung kepada satu pembekal menjadi punca kekurangan bekalan ayam segar di Pasar Awam di Jalan Tun Fattimah, Bachang, dekat sini.

Pengarah Kementerian Perdagangan Dalam Negeri dan Hal Ehwal Pengguna (KPDNHEP) Melaka, Norena Jaafar berkata, sejak kelmarin, pihaknya membuat paman-  
tauan rapi barang keperluan termasuk ayam dan mendapati isu itu tidak berlaku di pasar daerah lain.

"Satu Melaka kita dah pusing...tiada masalah di pasar lain di Jasin dan Alor Gajah, kecuali di Bachang. Sudah banyak kali kita nasihat dan beri saranan supaya peniaga ambil bekalan ayam daripada pembekal lain juga."

"Mereka beri alasan sudah biasa ambil daripada satu pembekal sedangkan di Melaka pemborong banyak."

"Jika pembekal tidak mampu penuhi permintaan, peniaga kena ada alternatif. Tapi biasanya mereka tidak mahu ikut, susahlah dan kita tidak boleh paksa," katanya dihubungi.

**"Tiada masalah di pasar lain di Jasin dan Alor Gajah, kecuali di Bachang Norena"**

# Tindakan tegas jual ayam lebih harga maksimum

**KPDNHEP buat pemeriksaan, pastikan peniaga patuhi peraturan**

Oleh Rafidah Mat Ruzki  
fidahrzki@bh.com.my

**Putrajaya:** Kementerian Perdagangan Dalam Negeri dan Hal Ehwal Pengguna (KPDNHEP) Azman Adam, berkata Bahagian Penguatkuasaan Kementerian itu sentiasa menjalankan pemeriksaan bagi memastikan semua pihak mematuhi harga maksimum barangan yang ditetapkan.

barangan yang ditetapkan Kementerian berkenaan.

Pengarah Penguat Kuasa Kementerian Perdagangan Dalam Negeri dan Hal Ehwal Pengguna (KPDNHEP) Azman Adam, berkata Bahagian Penguatkuasaan Kementerian itu sentiasa menjalankan pemeriksaan bagi memastikan semua pihak mematuhi harga maksimum barangan yang ditetapkan.

"Mana-mana peniaga melakukan kesalahan akan diambil tindakan mengikut Akta Kawalan Harga dan Antipencatutan 2011 dan boleh dikenakan penalti."

"Bagi kesalahan menjual barangan harga terkawal melebihi harga maksimum, peniaga indi-

vidu boleh didenda oleh mahkamah sehingga RM100,000 atau dipenjarakan tidak melebihi tiga tahun atau kedua-duanya atau dikompaun sehingga RM50,000.

"Syarikat yang berbuat demikian pula boleh didenda sehingga RM500,000 atau dikompaun sehingga RM250,000," katanya kepada BH, semalam.

Beliau mengulas laporan media mengenai peniaga di Pasar Awam Lebuh Cecil di Pulau Pinang yang mendakwa terpaksa menjual ayam mentah pada harga RM12 sekilogram sejak beberapa hari lalu berikutan kekurangan bekalan.

Memetik seorang peniaga yang enggan dikenali, laporan berke-

naan menyatakan individu terlibat menjual bahagian ayam yang sudah dipotong pada harga berkenaan mengikut berat dan keinginan pelanggan, selepas dua hari pembekal tidak menghantar bekalan.

Mesyuarat Khas Majlis Tindakan Sara Hidup Negara (NACCOL) mengenai Industri Pengeluaran Makanan, sebelum ini memutuskan harga runcit maksimum bagi ayam standard dikurangkan 20 sen kepada RM8.90 daripada harga siling RM9.10 sekilogram.

Sementara itu, Azman yang mengukuhkan sudah dimaklumkan mengenai aduan di Pulau Pinang itu, berkata, orang ramai yang

Mana-mana peniaga yang melakukan kesalahan akan diambil tindakan mengikut Akta Kawalan Harga dan Antipencatutan 2011 dan boleh dikenakan penalti.

Azman Adam,  
Pengarah  
Penguat  
Kuasa  
KPDNHEP



mempunyai maklumat berhubung perkara itu boleh melapor kepada pihak KPDNHEP melalui saluran disediakan.

Selain itu, beliau berkata, pihaknya sudah mengarahkan penguatkuasa menyiasat perkara berkenaan.

## Peniaga beri pelbagai alasan gagal seragam harga

**Kuala Lumpur:** Penetapan harga siling baharu ayam proses pada kadar RM8.90 sekilogram mulai kelmarin, masih gagal menyelaraskan harganya di seluruh negara.

Walaupun ada peniaga menjual di bawah paras siling serendah RM8.20/kg, tinjauan mendapati ada peniaga menjualnya melebihi kadar ditetapkan dengan alasan tersendiri.

Peniaga di Pasar Besar Alor Setar, Mohd Zahir Zainal Abidin, 68, berkata beliau mampu menjual pada harga RM8.20/kg kerana mendapat bekalan pada harga yang murah daripada penternak.

Katanya, beliau tidak menaikkan harga mengikut paras siling kerana tidak mahu membebankan pelanggan yang kebanyakannya terdiri golongan berpendapatan rendah.

"Saya dapat bekalan ayam daripada empat pembekal termasuk seorangnya anak angkat saya. Harga mereka beri memang rendah, jadi saya dapat jual pada harga yang murah, namun keuntungan saya juga tidak tinggi iaitu hanya 60 sen setiap satu kilogram (kg)."

"Walaupun tahu ada peniaga di sini kurang senang dengan harga saya jual, tetapi saya tetap teruskan kerana mahu meringkatkan beban pelanggan," katanya yang sudah 51 tahun berniaga ayam, ketika ditemui semalam.

Mohd Zahir berkata, selain jualan runcit, beliau turut menjual ayam secara borong kepada pelanggan seperti peniaga kecil serta membekalkan kepada kantin sekolah dan asrama.



Peniaga di Pasar Besar Alor Setar menjual ayam segar RM8.20 sekilogram.

(Foto Luqman Haidm Zubir/BH)

"Alhamdulillah, setiap hari saya dapat jual kira-kira 2,200 ekor ayam kepada pelanggan di pasar, selain ada juga yang diambil peniaga lain bagi dijual semula di kampung."

"Saya amalkan konsep berkongsi rezeki. Bagi saya semua perniagaan perlu ada keuntungan, cuma beza untung banyak atau sedikit," katanya yang sudah 36 tahun berniaga di Pasar Besar Alor Setar.

Tinjauan mendapati kebanyakan peniaga di Pasar Besar Alor Setar mematuhi harga siling ayam pada kadar RM8.90 sekilogram yang ditetapkan Ke-

menterian Perdagangan Dalam Negeri dan Hal Ehwal Pengguna (KPDNHEP) mulai semalam.

Bagaimanapun, ada peniaga mengakui tersepit kerana terpaksa menurunkan harga ayam menyebabkan terpaksa meraih keuntungan tipis dalam jualan harian.

Peniaga, Wan Ahmad Fauzi Wan Ismail, 51, berkata dia terpaksa menurunkan harga ayam daripada RM9.20 kepada RM8.90 sekilogram kerana akur dengan arahan kerajaan.

Katanya, keuntungan tambahan 30 sen bagi setiap sekilogram ayam yang sepatutnya diperoleh

kini lebur, namun tetap perlu meneruskan perniagaan walaupun hanya untung tipis.

Sementara itu, tinjauan di pasar basah kawasan Pandan, Johor Bahru, pula mendapati kebanyakan peniaga ayam tidak mematuhi harga siling ditetapkan kerajaan, sebaliknya menjual 40 sen lebih mahal.

Peniaga ayam, Hafizul Mohamad, 40, mendakwa tersepit kerana menerima ayam segar pada harga yang tinggi iaitu RM8.10 sekilogram daripada pembekal, menyebabkan kebanyakannya tidak dapat mematuhi paras siling ditetapkan kerajaan.

"Peniaga menerima harga ayam segar RM8.10 sekilogram yang merangkumi kos pengangkutan sebanyak 50 sen setiap kilogram. Sebelum ini peniaga tak dikenakan kos pengangkutan."

"Bagaimana peniaga nak jual ayam segar pada harga RM8.90 sekilogram sedangkan harga ayam sampai pun sudah RM8.10."

"Kami peniaga ayam makin tersepit kerana sudah stok ayam segar terhad, harga daripada pembekal pula tinggi, menyebabkan peniaga susah dapat pulangan modal dan untung kerana perlu membayar sewa premis, bil utiliti selain gaji pekerja," katanya.

Sementara itu, Pengerusi Persatuan Penjaja, Peniaga dan Pengusaha Kecil Negeri Sembilan (PPPKNS) Cawangan Seremban, Mohamad Yusoff, mengesahkan pihak berkuasa perlu menyekat kegiatan dan manipulasi 'orang tengah' dalam usaha menstabilkan bekalan dan harga ayam mentah negara ini.

"Kegiatan mereka ini perlu dipantau dan disekat kerana diyakini mempengaruhi bekalan dan harga ayam termasuk telur ayam dalam pasaran ketika ini."

"Ini dapat dilihat isu bekalan dan harga ayam bukan perkara baharu, sebaliknya sudah berulang kali berlaku hingga mengundang masalah kepada ramai pengguna termasuk peniaga kecil," katanya.

Katanya, harga ayam di ladang tidak naik tetapi yang menaikkan harga barangan keperluan itu adalah 'orang tengah', yang seterusnya memberikan kesan kepada pengguna.

## Stern action for those who raise prices

**PASIR PUTEH:** Suppliers, distributors and sellers have been warned by the Agriculture and Food Industries Ministry not to manipulate the price of chickens and eggs.

Deputy Minister Dr Nik Muhammad Zawawi Nik Salleh said the government would act against those who were charging higher than allowed by the government.

"The government will not remain silent and tolerate those who try to take advantage."

"Don't blame the government if stern action is taken against them. I hope those involved will take heed of this warning," he told reporters after officiating a ceremony introducing Tok Janggut Warriors FC players at the Agro Resort Jeram Mengaji near Selising, here yesterday.

Nik Muhammad Zawawi was responding to complaints from the public that there were some suppliers and wholesalers who tried to increase the pricing of the raw materials.

"The government has short- and long-term plans to solve this problem."

"This includes approving licences to import chicken and eggs from



**Father hen:** Farm worker Muhammad Haikal Zakari, 21, inspecting one of the 16,000 chickens that are raised in a farm in Kampung Pelam, Telemong. — Bernama

abroad to stabilise the price in the local market so as not to burden consumers," he said.

On Saturday, Domestic Trade and Consumer Affairs Ministry enforcement director Azman Adam

said the sharp increase in demand for eggs before, during and after the 2022 Chinese New Year holidays had contributed to the current shortage.

He said the ministry was confi-

dent that the supply of eggs would stabilise and would be available at all localities in Malaysia once the egg farms and delivery companies resume operations soon. — Bernama

## Stop depending on imports

THE Consumers Association of Penang (CAP) welcomes the action taken by the government to stabilise the price of goods following the decision made at the National Action Council on Cost of Living meeting on Jan 31, which CAP attended and which was chaired by the Prime Minister.

We welcome the decision to set the ceiling price of chicken at RM8.90 even though the government will have to provide subsidies to cover the cost for consumers. We are also positive about the decision to maintain the price of Grade A, B and C eggs according to the current Malaysian Family Maximum Price Scheme.

We believe the government should monitor prices widely and also listen to complaints from consumers about traders raising their prices. On their part, consumers must use the correct channels if they want to report traders who overcharge.

We support this intervention by the government even though poultry farmers requested that the price of chicken at the farm be increased. However, we believe that the government needs to seriously look into producing livestock within the country to avoid the issue of importing animal-based food that is expensive.

We also believe that allowing hypermarkets to import whole chickens from overseas – with compliance requirements focusing on halal status, freshness as well as cleanliness – is only a short-term measure. The best approach would be to strengthen local production sustainably.

We welcome the government's direction to the Malaysian Competition Commission, an agency under the Domestic Trade and Consumer Affairs Ministry, to conduct continu-



Photo: FAIHAN GHANI/The Star

ous studies and investigations to ensure there are no price cartels or manipulation by middlemen in the production and supply of chicken.

There was also a directive to hasten research related to chicken feed alternatives to ensure that the country is not threatened by the price of corn, soya beans and medicine, which currently are 100% imported from overseas.

We recommend that the government re-evaluate land use with emphasis given to the issue of basic food production. Dependence on food imports must be addressed immediately as it threatens the nation's security.

**MOHIDEEN ABDUL KADER**  
President  
Consumers Association of Penang (CAP)